



Broj: 02-19-2447/23-AP-2
Datum: 17.01.2024. godine

Na osnovu člana 6. Zakona o građevinskom zemljištu Federacije Bosne i Hercegovine („Službene novine FBiH“, broj: 67/05), člana 13. stav (2) alineja 8. Zakona o principima lokalne samouprave u Federaciji BiH („Službene novine FBiH“, broj: 49/06 i 51/09), člana 3. stav (1) Odluke o zauzimanju javnih površina („Službeni glasnik Općine Zavidovići“, broj: 8/2017, 4/2018 i 6/2019 i „Službeni glasnik Grada Zavidovići“, broj: 7/22) i člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), Gradsko vijeće Zavidovići na ___ . sjednici održanoj dana ___ . __. 2024. godine, donijelo je

O D L U K U

o usvajanju Plana privremenog zauzimanja javnih površina za 2024. godinu

Član 1.

Usvaja se Plan privremenog zauzimanja javnih površina ispred ugostiteljskih radnji, ispred trgovačkih radnji, za postavljanje kioska, za postavljanje javnih satova, za prodaju bostana i sezonskog voća i povrća i ogrijeva za 2024. godinu.

Član 2.

Sastavni dio ove Odluke je Plan privremenog zauzimanja javnih površina sa grafičkim priložima pod A, B, C, D, E i F.

Član 7.

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

**PREDSJEDAVAJUĆI
GRADSKOG VIJEĆA**

Admir Fojnica, prof.

O B R A Z L O Ž E N J E

PRAVNI OSNOV DONOŠENJA ODLUKE

U članu 6. Zakona o građevinskom zemljištu Federacije Bosne i Hercegovine („Službene novine F BiH“, broj: 67/05) određeno je da: „Općina upravlja i raspolaže gradskim građevinskim zemljištem u državnoj svojini na način i pod uslovima predviđenim zakonom i propisima donesenim na osnovu zakona.

U članu 13. stav (2) alineja 8. Zakona o principima lokalne samouprave u Federaciji BiH („Službene novine F BiH“, broj: 49/06 i 51/09) određeno je da: „Vijeće u okviru svojih nadležnosti donosi plan korištenja javnih površina“.

U članu 3. stav (1) Odluke o zauzimanju javnih površina propisano je da „Plan korištenja javnih površina donosi Općinsko vijeće do 30. marta tekuće godine“.

RAZLOZI DONOŠENJA ODLUKE

Odlukom o zauzimanju javnih površina definisano je da ugostitelji ispred svojih objekata i na javnim površinama mogu postavljati stolove i stolice u cilju formiranja bašta, da se ispred trgovačkih radnji u svrhu izlaganja određenih vrsta roba također može zauzimati javna površina te da se u svrhu postavljanja kioska kao i prodaju ogrijeva može zauzimati javna površina. U cilju stvaranja jasne i transparentne slike za rad službi za svaku godinu donosi se Plan zauzimanja javnih površina koji pojedinačno sadrži svaki od lokaliteta koji je evidentiran od strane nadležnih službi u prethodnoj godini i za koji može postojati interes da se koristi i u narednoj godini.

Odobrenje za zauzimanje javne površine izdaje se na pismeni zahtjev stranke. Obzirom da se radi o sezonskom (privremenom) zauzimanju javne površine, te o promjenjivosti samih zahtjeva investitora, ovakva problematika se ne definiše Regulacionim planom.

Zauzimanje javne površine se planira tako da se ne ugroze osnovne funkcije javne površine niti sadržaj koji se nalazi na susjednim lokacijama.

Plan zauzimanja javnih površina sadrži:

- A. Zauzimanje javnih površina ispred ugostiteljskih radnji,
- B. Zauzimanje javnih površina ispred trgovačkih radnji,
- C. Zauzimanje javnih površina za postavljanje kioska,
- D. Zauzimanje javnih površina za prodaju ogrijeva (ugalj i drva),
- E. Zauzimanje javnih površina za prodaju bostana i sezonskog voća i povrća,
- F. Zauzimanje javnih površina za postavljanje javnih satova sa reklamom.

Po isteku roka na koji je dato rješenje za zauzimanje javne površine, korisnici su dužni prostor javne površine dovesti u prvobitno stanje.

Potrebno je donijeti Plan za zauzimanje javnih površina u skladu s kojim bi nadležna služba donosila rješenja o odobravanju privremenog korištenja javnih površina. Radi navedenog predlaže se donošenje ove Odluke.

FINANSIJSKI EFEKTI DONOŠENJA ODLUKE

Za sprovođenje ove Odluke nije potrebno planirati sredstva u Budžetu Grada Zavidovići za 2024. godinu.

PO OVLAŠTENJU GRADONAČELNIKA
broj: 02-45-9/22-AP-41 od 22.04.2022. godine
SEKRETAR GRADSKOG ORGANA
DRŽAVNE SLUŽBE

Nermin Čahtarević, dipl. pravnik

Obradio: _____
(Amir Mahmutović)

Kontrolisao: _____
(Izet Bašić)